



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 12. De Susceptione Christi à Martha.

[urn:nbn:de:hbz:466:1-59636](#)

intelligeremus, sicut quando immemores vi-
lis & miserae conditionis nostrae, cœci effici-
mur, pluris nos ipsos facientes, quam conue-
niat: sic nostræ superbiæ & cœcitatis reme-
dium in eo consistere, ut nunquam abstinea-
mus à consideratione, nos esse terram & lu-
tum, & quod in terram resoluendi simus.



MEDITATIO XII.

S V S C I P I T V R C H R I-
S T V S A M A R T H A .

P VN C T A M E D I T A T I O N I S .

- Luc. 10.*
- I. Christo suscepto Maria audiebat verbum; Martha autem sollicita petit opem sororis, ut iuuet.
 - II. Cui Dominus ait: Martha, Martha, sollicita es, & turbaris circa pluri-
ma. Porro vnum est necessarium.
 - III. Maria optimam partem elegit, que non auferetur ab ea.
-

F I G V R A .

4. Reg. 4 E LIZEVS hospitio exceptis est in ciui-
late Suna à nobili muliere, quæ ut
animaduertit Prophetam frequenter ista
hac transire, fecit ei in domo sua eoenac-
lum paruum, cique ministrauit diligen-
ter.

PRO

PROPHETIAE.

1. **Q**uare colonus futurus es in terra, & Hier. 14
quasi viator declinans ad manendum?
 2. Sub umbra illius, quem desideraueram Cant. 5.
sedi, & fructus eius dulcis gutture meo.
 3. Audiam, quid loquatur in me Dominus Deus, quoniam loquetur pacem in plebe suam, & super sanctos suos, & in eos qui conuertuntur ad cor.
-

DOCUMENTA.

1. **C**hristus in domum Marthæ receptus, non fuit otiosus, sed locutus est verba vita æternæ, dans exemplum suis discipulis, eorumque successoribus, & religiosis, vt, quando à pījs hominibus in donum recipiuntur, illos vicissim pascant cœlesti doctrina, & sanctis instructionibus.
2. Magdalena sedebat ad pedes Domini, audiens verba illius. Quò anima humilius sedet, per humilem sui ipsius existimationem, hoc diuinarum visitationum & instructionum capacior est: nam aquæ non subsistunt in altis montibus, hoc est, in superbiorum cordibus, sed dilabuntur in valles profundas, hoc est, corda humilium.
3. Martha occupata in cibo pro Christo parando, accusat Magdalenam tanquam otiosam, cum ab ore Christi penderet. Sic solent facere quidam pīj homines in mundo, qui vacantes exercitijs vitæ actiue, yt iuuandis per

H

opera

opera caritatis proximis ; quia nunquam contemplationis dulcedinem degustarunt , reprehendunt eos , qui seruiūt Deo in religione , existimantque eos , qui externos labores non habent , degere in otio : atque ideo omnes debere facere , quod ipsi faciunt , vt pote magis necessarium mundo & gratius Deo.

4. Maria tribus modis fuit accusata. Primo à Pharisæo temeritatis , quod existens peccatrix auderet Christum attingere. Secundo à Iuda prodigalitatis , quod pretiosum illud vnguentum in caput Christi & pedes effuderit. Tertio à sorore , de otio , nempe in hoc

Ioan.12. Euangeli. Sed semper Maria patienter tacuit , Christus autem eam purgauit & defendit. Sic hoc tempore in saeculo ij , qui agnoscētes se peccatores , & diuina gratia egere ; recurserunt ad Christum , ac Sacra menta frequentant , ab hominibus mundanis ridentur , & pro temerarijs habentur : qui que conantur peccata sua eleemosynis redimere , & liberales

Dan.4. sunt in pauperes , mundo existimantur prodigi , & dilapidatores suæ hereditatis. Similiter , qui abdicato mundo , mundanisque negotijs ad saluandum animas suas amplectuntur quietem religionis , à mundo arguuntur tanquam otiosi & inutiles. Verum omnes hi nihili facere debent dicta & iudicia huius mundi , quia Christum habent aduocatum & defensorem.

5. In domo , qua exceptus est Christus non legimus quenquam fuisse præter Martham & Mariam , ad significandum , neminem in hoc mundo dignum esse recipere Christum per gratiam , & similiter in altero posse domum Dei ingredi , hoc est , patriam cælestem , per gloriam , nisi qui alterutrius harum foeminarum

rum vitam imitatus fuerit, hoc est, vel exerceuerit se in vita actiua, iuuando proximos in anima vel corpore caritatis & pietatis Christianæ operibus, vel certè in contemplatiua, seruiendo Deo in sanctis contemplationibus & orationibus.

6. Christus non reprehendit ministerium Marthæ, utpote bonum & piu[m], quia pro Christo & amore Christi laborabat, & turbabatur, sed reprehensione digni sunt, qui profitentur quidem se in suis ministerijs, docendo, prædicando aliaque officia erga proximos exercendo, imitari Martham, sed id aciunt intentione peruersa, dum in suis laboribus prius querunt seipso[s], quam Christum, & magis se fatigant ob temporalia commoda, quam propter remunerationem cœlestem.

7. De Martha tantum dicit Euangeliu[m]; quod Christum exceperit in domum suam; De Magdalena autem non dicitur, quod domini habuerit. Quo indicatur, eos qui seruitio Christi per vitam contemplatiuam se dedicant, aspernari debere omnes huius mundi possessio[n]es, & depositis omnibus curis & sollicitudinibus terrenis dedere se lectioni & contemplationi rerum diuinarum, ac frequeti compunctioni; tam pro peccatorum remissione, quam pro æternæ vitæ desiderio. Tales furerunt Prophetæ, tales Apostoli, tales alij multi, qui relictis omnibus, & mundo deserto, adhaeserunt Christo, quos Scriptura appellat,

nihil habentes & omnia possidentes.

2. Cor. 2

